



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt XXV. a Clemens III.

---

[urn:nbn:de:hbz:466:1-74544](#)

## CAPUT XXV.

a Clemens III.

**I**n audientia nostra talis fuit ex parte tua consultatio proposita, utrum clerici, qui arma militaria, etiam reliquo habitu clericali gestare nullatenus erubescunt, si ei fuerit injuria corporalis illata, vel se a captione redemerint, illa clericorum debeat immunitate gaudere, quā pro temeraria manuum injectione factā in clericum excommunicatus quis ipso jure notatur. Ad hoc tibi breviter respondemus, quod cū frustra Ecclesia invocet auxilium, qui committit in ipsam, & lex saecularium Principum huic responso satis efficax offerat argumentum, quia manifeste d<sup>r</sup> cautum habetur, matronam, cuius pudicitia attentata fuerit, non posse injuriarum agere, , si fuerit in ueste meretricialide. prehensa; hujusmodi clerici, si fuerint a Praelatis suis e tertio commoniti, & noluerint arma militaria deponere, de privilegio aliorum clericorum subsidium aliquod habere non debent.

## NOTÆ.

1. a **C**lemens III.] Ita etiam legitur in secunda collectione sub hoc tit. cap. 14. nullibi tamen exprimitur cui rescribat Pontifex.  
 2. b **Militaria.**) Quod clericis valde prohibatum est, ut probavi in cap. clerici, cap. finali, de vita & honest. cleric. & in cap. petitio, de homicidio.  
 c **Imploret auxilium.**] Haec verba exposui in cap. 2 no cleric. vel monach.  
 d **Cantum.**) In l. item 15. §. si quis virgines 15.

ff. de injuriis: quam illustrant Pancirola lib. 2. var. cap. 117. Heraldus lib. unic. emend. cap. 12. e Tertio commoniti.) Haec verba varie expo. 4 suerunt Covat. in cap. alma. i. part. §. 11. num. 13. Petrus Gregor. lib. 2. partit. tit. 9. cap. final. Vela differt. 45. Sed veram eorum interpretationem dedi in cap. final. de vita & honest. cleric. Ante monitionem tamen, et si non deferat habitum, nec interficiat Ecclesias, juxta requisita Concil. Tridentini, non privatur beneficio canonis cap. Odardus, de solut. & similibus; sed tantum privilegio fort. Marinis lib. 2. resolut. cap. 48.

## CAPUT XXVI.

a Clemens III.

**Q**uod de his etiam, de quibus non dubitas, & quid de his ipsis servari debeat, plurimum agnovisti, Ap. Sed. responsa requiris, tanto fraternitatem tuam magis in Domino commendamus, quanto in iis, quae sanctorum canonum institutionibus sunt expresa, nostra auctoritate procedere desideras, & disponis. Sanè requivit a nobis tua fraternitas, utrum qui se confitetur in latæ sententiæ canonem incidisse, nec ad hoc potest induci, ut ad Sed. Ap. veniat absolvendus, ab Episcopo, vel etiam simpli ci presbytero absolutionis possit, vel debeat beneficium promerer; & utrum presbyteri bigamis, & viduarum maritis, eorum uxoribus viam universa carnis ingressis, Missarum solennia liceat celebrare. Verum licet quid de his observari debeat, sacris canonicibus sit diffinitum, hoc tamen tua fraternitati ad praesens duximus respondentum: quod is, qui se asserit in canonem latæ sententiæ incidisse, non nisi per Sed. Ap. vel ejus b Legatum absolutionis potest beneficium promerer, nisi forte in mortis fit articulo constitutus, vel c paupertate, vel infirmitate, vel senectute tanta gravetur, quod ad Ecclesiam Romanam laborem subire non valeat veniendi, vel ab hoc alio impedimento canonico retrahatur. Ceterum ab his in forma sacramenti exigi consuevit, ut resumptris viribus, & opportunitate concessa, Romanam Ecclesiam in persona propria debeat visitare.

## NOTÆ.

- a **C**lemens III.] Ita etiam legitur in secunda collectione, sub hoc tit. cap. 15. sed nullibi exprimitur Praelatus, cui rescribat Pontifex.

b **Legatum.**] Juxta tradita supra in cap. ad eminentiam.

c **Paupertate.**] Ut probavi supra in cap. cum non ab homine.

CAPUT